

PRIJEDLOG

Na osnovu člana 37., 44. i 47. Zakona o pravobranilaštvu ("Službene novine Kantona Sarajevo", broj: 33/08, 7/12 i 44/16), člana 55. i 104. Statuta općine Ilijaš, prečišćeni tekst ("Službene novine Kantona Sarajevo" br: 20/09 i 46/18), člana 99. Poslovnika o radu Općinskog vijeća Ilijaš ("Službene novine Kantona Sarajevo" br: 2/10, 18/15 i 7/19), Općinsko vijeće Ilijaš na svojoj ____ sjednici održanoj dana _____ 2021. godine donijelo je

O D L U K U

o povjeravanju vršenja poslova Pravobranilaštvu Kantona Sarajevo za 2021. godinu

Član 1.

Ovom Odlukom daje se ovlaštenje Pravobranilaštvu Kantona Sarajevo (u daljem tekstu: Pravobranilaštvo) da preduzima mjere i pravna sredstva radi pravne zaštite imovine i imovinskih interesa općine Ilijaš (u daljem tekstu: Općina), kao i druge poslove određene Zakonom o pravobranilaštvu Kantona Sarajevo u pogledu zastupanja Općine pred sudovima i drugim nadležnim organima.

Član 2.

Radi zaštite imovine i imovinskih interesa Pravobranilaštvo će braniti i zastupati Općinu i vršiti poslove u ime i za račun Općine pred sudovima i drugim nadležnim organima.

Član 3.

(1) Daje se saglasnost Općinskom načelniku da u ime i za račun Općine zaključi i potpiše Ugovor kojim će se regulisati međusobna prava i obaveze između Općine i Pravobranilaštva.

(2) Ugovorom iz stava (1) ovog člana će se regulisati sve obaveze Pravobranilaštva u pogledu zastupanja Općine u svim predmetima u skladu sa Zakonom o pravobranilaštvu Kantona Sarajevo kao i obaveza izvještavanja Općinskog vijeća Ilijaš o radu Pravobranilaštva.

(3) Ugovorom će se definisati i visina naknade koja će se isplatiti Pravobranilaštvu za obavljene poslove u toku 2021. godine, u iznosu od 24.000,00 KM, odnosno iskazano po mjesečnim anuitetima od 2.000,00 KM mjesečno.

Član 4.

Sredstva iz člana 4. ove odluke potrebna za rad Pravobranilaštva biti će obezbijeđena u Budžetu Općine Ilijaš za 2021. godinu.

Član 6.

Ova Odluka stupa na snagu danom objavljivanja u "Službenim novinama Kantona Sarajevo".

Član 7.

Za realizaciju ove Odluke zadužuje se Općinski načelnik, a koji svoje ovlasti može prenijeti na rukovodioca nadležne Službe Jedinice lokalne samouprave.

Broj: _____/21
Ilijaš, _____ 2021. godine

PREDSJEDAVAJUĆA
OPĆINSKOG VIJEĆA

Alma Omerović, BA nov

Obrazloženje

Pravni osnov za donošenje Odluke predstavlja Zakon o pravobranilaštvu Kantona Sarajevo ("Službene novine Kantona Sarajevo", broj: 33/08, 7/12 i 44/16), Statut Općine Ilijaš ("Službene novine Kantona Sarajevo" broj: 20/09 i 46/18) te Poslovnik o radu Općinskog vijeća Ilijaš ("Službene novine Kantona Sarajevo" broj: 2/10, 18/15 i 7/19).

Članom 44. Zakona o pravobranilaštvu Kantona Sarajevo ("Službene novine Kantona Sarajevo", broj: 33/08, 7/12 i 44/16) propisano je da Općinsko vijeće može vršenje poslova pravobranilaštva povjeriti Pravobranilaštvu Kantona Sarajevo. Istim članom određeno je da u slučaju iz prethodnog stava, sredstva za materijalne troškove i plaće službenika koji obavljaju povjerene poslove pravobranilaštva osiguravaju se iz budžeta općine.

Članom 47. Zakona o pravobranilaštvu Kantona Sarajevo propisano je da se sredstva za rad Pravobranilaštva obezbjeđuju iz budžeta Općine.

Član 37. Zakona o pravobranilaštvu Kantona Sarajevo reguliše pitanje izvještavanja Pravobranilaštva o svom radu za prethodnu godinu, kao i izvještavanje o svim uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva. Izvještaj treba da bude dostavljen Općinskom vijeću najkasnije do 31. marta tekuće godine.

Članom 55. Statuta Općine Ilijaš – prečišćeni tekst ("Službene novine Kantona Sarajevo" broj: 20/09 i 46/18) propisane su nadležnosti Općinskog vijeća među kojima je pobrojana i nadležnost donošenja odluka, drugih propisa i općih akata kao i njihovog autentičnog tumačenja.

Članom 104. Statuta Općine Ilijaš propisano da Općinsko vijeće donosi, između ostalog, i općinske propise – Odluke.

Članom 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10, 18/15 i 7/19) propisano je da Općinsko vijeće donosi Odluke.

Razlozi za donošenje Odluke:

U okviru Jedinice lokalne samouprave općine Ilijaš ne postoji Općinsko pravobranilaštvo te shodno navedenom Općina Ilijaš svake godine poslove zastupanja povjerava Pravobranilaštvu Kantona Sarajevo, a koji iste obavlja u skladu sa Zakonom o pravobranilaštvu Kantona Sarajevo.

Shodno svemu gore navedenom Općinski načelnik predlaže Općinskom vijeću donošenje Odluke kao u dispozitivu.

OBRADILA:

Služba za imovinsko-pravne poslove,
geodetske poslove i katastar

PREDLAGAČ:

OPĆINSKI NAČELNIK:

Akif Fazlić, dipl.ecc.